



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De his quæ addenda sunt in Missa, quæ celebratur ad Altare, in quo expositum est sanctissimum Sacramentum. XIV.

**urn:nbn:de:hbz:466:1-40214**

imaginarium Defuncti , quod vallari contingit in Sacerdotibus , & alijs : nam Sacerdotis caput versus Altare esse debet , aliorum verò pedes versus Altare , vt dicitur in *Rituali Romano* , de *Exequijs*. Sed Celebrans debet esse semper inter Altare & tumulum , seu lecticam mortuorum , absente corpore ; Subdiaconus contra Altare , ad pedes lecticæ seu tumuli: præsente verò corpore seruatur Rituale citatum.

*n Aliquantum versus cornu Epis-  
tolæ.] Ne terga directè vertat Altari , &  
vt orans Sacerdos vicinior sit Altari.*

*o Iunctis manibus dicit. ] Extra  
Missa dicuntur semper Orationes  
manibus iunctis : ille namque ritus  
est Missarum proprius , extendendi  
scilicet manus , vt supra diximus , ini-  
tio Missæ. Oratio verò Absolue com-*

muniter dicitur ; unde & Absolutio vocatur : sed potest etiam dici Ora-  
tio Missæ , vt in *Rituali Romano* præ-  
scribitur . quod conuenit præsertim in die Commemorationis omnium  
Defunctorum , & quando fiunt exequiae Prælatorum . *Marcellus* tamen  
in suo *Cerimon. Papali lib. 2. cap. 35.*  
constanter habet in Absolutione Præ-  
latorum Orationem *Absolue* : quod  
mihi magis placet , addito dignitatis  
titulo , quam habebat *Defunctus* , no-  
mini eiusdem.

Dum fit Absolutio , si eleuetur Sa-  
cramentum in aliquo Altari , neque  
Celebrans , neque Ministri debent  
genusflexere , ne sacra interrupatur  
actio : & rectius fieret , si in ea cleua-  
tione pulsatio campanulæ omitteretur  
à ministro .

*s Denide Celebrans faciens Crucem manu dextra super tumulum , dicit:  
Requiem eternam , &c.*

Et reliqua , vt in Missali . Cantores  
dicunt , *Requiescant* ; licet pro uno fiat

Absolutio . & præcedente Cruce redi-  
tur in Sacristiam .

De his quæ addenda sunt in Missa , quæ celebra-  
tur ad Altare , in quo expositum est sanctissi-  
mum Sacramentum . XIV.

*1 D*esideratur hic titulus in Ru-  
bricis Missalibus à multis ; de  
quo hoc loco , ne desideretur amplius  
in hisce Commentarijs : sed in *Cerim.  
Episc.lib. 1.cap. 12.* optimè monemur  
ex antiquorum documentis , vt absti-  
neamus à Missa celebranda coram Sa-  
cramento , etiam in suo Tabernaculo  
occluso . Quod si ferat necessitas , vel  
suadeat alia iusta causa , puta , infra  
Octauam Corporis Christi , & Romæ  
in fine publicæ Orationis 40. Hora-

rum ; eo casu genuflexiones omnes , &  
actus reverentiales debiti diligenter  
sunt obseruandi : quos varijs in libris  
Ritualibus præscriptos , & sparsim ,  
hoc loco collegimus .

*2 In primis igitur illud est notan-  
dum , quod pro exponendo Sacra-  
mento in Altari pro initio 40. Hora-  
rum , vel spiritualium exercitationum ,  
cantari debet Missa Votiva de Sacra-  
mento , quæ habetur circa finem Mil-  
falis , non autem festiva Corporis*

A a Christi

Christi (nisi infra Octauam eiusdem Festi casus accideret) & tempore Paschali addendum erit *Alleluia*, ut sit in alijs Votiuis Missis.

3 Dicitur vna tantum Oratio, cum *Gloria*, *Credo*, & Præfatione de Nativitate, quia solet esse publica causa: non autem priuatis Missis hæc conueniunt.

4 Si verò accidat in Festo primæ vel secundæ classis, sive in Dominica priuilegiata primæ vel secundæ classis, tunc in Collegiatis, vel duæ cantentur Missæ, altera de Festo, seu Dominica post Tertiam, altera Votiva de Sacramento post Nonam; vel vna cantetur de die cum commemoratione sanctissimi Sacramenti: quod Romæ fit in Cappella Papæ in prima Dominica Adventus, & in alijs diebus Festis solemnibus in Ecclesijs maioribus Vrbis.

5 In ingressu Celebrantis & Ministrorum ad Altare, in quo patet Sacramentum, omnes debent genuflexere in plano Cappellæ utroque genu. Facta verò confessione, ascendunt ad Altare, ubi deinceps genuflexunt unico genu, ut expeditiores sint; & Celebrans dicit, *Oramus te Domine, ut aliás.*

6 Incensatio Altaris fit de more stante Sacerdote, dum benedicit incensum; quod item de more benedicitur, ex *Cerimon. Episcop. lib. 1. cap. 23.* quia Altare & Celebrans etiam thurificari debent. Pro Cruce, quæ adesse non debet, incensatur Sacramentum à Celebrante super altiore Altaris gradum cum Ministris genuflexo. Neque Diaconus osculari quidquam debet in hac Missa, quod tradi debeat Celebranti; neque manus item Celebrantis in traditione rerum, ob apertam præsentiam sanctissimi Sacramenti:

quod expressè dicitur in *Cerimoniâ Episcop. lib. 27. cap. 33.* Absque osculo, inquit, cochlearis, & manus: quidquid contrâ scripterit recentior. Inclinat autem Celebrans genuflexus caput suum profundè, ante & post incensationem Sacramenti.

7 Cum incensandus est Celebrans, reddito Thuribulo in cornu Epistolæ, ut moris est, descendit, & sistit se apud idem cornu, facie versa ad populum, aduertens, ne, dum mouet se, terga vertat Sacramento; & ibi à Diacono econtrâ stante in plano Cappellæ incensatur. quod erit quoque obseruandum in altera incensatione ad Offertorium. & ibidem lauabit manus. Eadem enim est ratio ex eundi extra Altare, tam pro incensatione quam pro ablutione manuum Celebrantis: & utrumque seruatus in Vrbe.

8 Accedens ad medium Altaris, & recedens à medio, vel transiens ante medium toties quoties, semper genuflexit Celebrans unico genu: quod & Ministri obseruant.

9 Conuertens se ad populum dicturus, *Dominus vobiscum*, seu alia, facta genuflexione post osculum Altaris, sistit se renibus versis ad Euangelij cornu; tum facta iterum genuflexione in medio, redit ad librum, seu Altare.

10 Diaconus & Subdiaconus non omittunt tamen osculum manus Celebrantis in fine Epistolæ, & ante Euangelium: quod alias fit de more.

11 Si concessionandum est à Celebrante, fiat ab eo stante in cornu Euangelij, & aperto capite. Ministri ad eius dextram stabunt extra cornu Euangelij.

12 In incensione oblatorum benedicit incensum de more, & sine genuflexio-

nusflexione incensat oblata: tum genuflexus supet altiore gradum, vt suprà, incensat Sacramentum vt initio Missæ. Diaconus non amouet Calicem de medio, quia nullum est periculum effusionis eius.

13 Dicitur *Orate fratres à Celebrante, vbi Dominus vobiscum: sed non perficit circulus, vt habetur in Missali Fer. 6. Parasceues.* rursusque genuflectitur, quia redditur ad medium.

14 Reliqua usque ad Communio-  
neum inclusuè fuit ut in alijs Missis: à Communione ad finem Missæ fuit genuflexiones & conuersiones ad populum, vt num. 8. & 9. dictum est.

15 In benedictione populo danda, dicto, *Omnipotens Deus*, genuflectit Celebrans, & in latere Euangelij benedicit. non perficit circulum, neque in medio genuflectit, sed in eodem latere conuersus statim ad Altare signat librum, seu Tabellam Euangelij ultimi, non Altare, quamuis Sacramentum esset altius Altari: est enim, ac si esset in Altari.

16 Recedit cum Ministris ab Altari, cū genuflexione in plano Cappellæ utroque genu facta: vel, si facienda

est Processio, pro fine Orationis publicæ facta prope Altare genuflexione in medio, descendit extra cornu Epistola, vbi, depositis Manipulis a se & à Ministris cum Casula, induit Celebans Pluuiale, & cetera facit quæ ad Processionem spectant; de qua nos infra par. 4. tit. 12. à num. 3. & seqq. quibus illud hoc loco adde, incen-  
dum esse prius Sacramentum quam deponatur de loco suo super Altare, si imponendus est orationi finis.

17 In Missa priuata, quæ tamen quam parcissimè celebranda erit in Altari, in quo sacra Eucharistia est exposita, eadem obseruari debent quæ suprà diximus, demptis ijs quæ sunt propria solemnis Missæ.

18 Neque illud omittatur, quod præscriptissimus de manuum ablutione extra Altare. Quidam sumunt ablutionem digitorum, antequam redeant ad medium Altaris, ad maiorem erga Sacramentum reverentiam; sed non video irreuerentiam in sumenda purificatione Calicis in medio Altaris, ergo neque digitorum. quare placet ex communiori usu ritus communis omnibus Missis.

### Ordo Missæ, & partium eiusdem additio, iuxta ordinem temporum. X V.

**H**AECENUS ordinem totius Missæ examinauimus, secundum quem Missa celebratur: nunc quam breuissimè videamus, quo ordine aucta sit eadem Missa ab initio nascientis Ecclesiæ ad hodiernum usque diem, ordine temporum seruato; si de Liturgia sancti Petri fortasse dubites, quam Lindanus defendit (quo casu tota es-  
set à sancto Petro) Successores autem Decretis firmarunt eamdem per

partes. Præterea eiusdem Missæ mysticam expositionem ex antiquis Interpretibus Mauriamus, eam nimis, quæ aptius Domini nostri Iesu Christi vitam, actiones & passiones ordinatè repræsentat. Potremus Canonis litteralem sensum in quibusdam verbis non ita facilem aperiamus.

1 Ex dictis igitur, initio Ecclesiæ Missa constabat Consecratione tan-

A a 2 tūm